

春秋會要



春 秋 會 要

姚 彥 渠 著

中 華 書 局 出 版

編號：26577

春 秋 會 要

定價(7)七角五分

著 者： 姚 彥 渠

出版者： 中華書局股份有限公司
北京東總布胡同五七號

印刷者： 中華書局上海印刷廠
上海澳門路四七七號

總經理： 新 華 書 店

55.11， 32開， 102頁， 110千字； 787×1092， 1/32開， 6—3/8印張
1955年11月第一版上海第一次印刷 印數(滬)1—2,000

(北京市書刊出版業營業許可證出〇一七號)

春秋會要

俞序

史之爲體，有編年，有紀傳，編年昉於春秋，紀傳昉於尚書。觀一人之始終，莫如紀傳，而甲與乙不相聯系；考一時之治亂，莫如編年，而前與後不相貫穿；於是後人又有會要之作。西漢會要，東漢會要則宋徐天麟爲之，唐會要，五代會要則宋王溥爲之，自兩漢至五代，法度、典章，條分件繫，蓋編年、紀傳外，不可少之書也。而歸安姚鼐園先生卽用此例以讀春秋，於是春秋會要之作。其書首以世系，而執政及后夫人皆附見焉；次以吉、凶、軍、賓、嘉五禮，各有條目，以類相從，秩然不紊；大經大法，無不臚載，蓋其用力勤矣。宋張大亨撰春秋五禮例宗七卷，取春秋事迹，以吉、凶、軍、賓、嘉五禮分類統貫；元吳澄春秋纂言，分爲七綱，天道、人紀外，亦以五禮分綱；而明石光霽春秋鉤玄，又仿其例，以春秋書法分屬五禮；五禮所不見括者，別爲難書法一門；皆與先生是書相出入。蓋春秋一經，屬辭比事，非此不足以觀其義類也；而是書以會要名，則又以史學爲經學，非徒抱遺經而究終始者比矣。余以同郡後學得讀其書，竊爲之識其簡端，亦見老輩人讀書精審，尙與宋、元、明儒脈絡相通，非如近人之束書不觀，徒以揣摩爲事也。德清俞樾

楊序

先師陳徵君曰：「治經者必自禮經始，不熟禮經，猶衣之無領也。」斯言也，小子嘗識之。吾鄉姚巽園先生著春秋會要：首以列國世系，而執政及后夫人附見焉；次則吉、凶、軍、賓、嘉五禮爲綱，而緯以事跡，各從其類。其大旨同於宋張大亨春秋五禮例宗，元吳澄春秋纂言，而精密不超過之。如辨明堂位駁漢儒之附會，議魯郊禘決伯禽受之之非，皆從禮經考究而出，可謂善治經者矣。夫先生以「會要」名其書，是以史法讀春秋也。昔者孔穎達春秋正義述賈逵說曰：「周禮盡在魯矣，史法最備。」然則先生之學，殆與賈氏契歟！歸安楊峴

春秋會要目錄

俞序

楊序

卷之一

世系

周 魯 晉 齊 秦 楚 宋 衛 鄭 陳 蔡 曹 許 杞 滕 薛 莒 邾 小邾 吳 越

諸小國 四裔

后夫人妃

周 魯 晉 齊 秦 楚 宋 衛 鄭 陳 邾

卷之二

禮一 吉禮

郊 大雩 禘 烝 嘗 日月 星辰 風雲 社稷 五祀 四望 山川 先農 官廟 昭穆 饗品 厭勝

告朔 即位 公至

卷之三

禮二凶禮

八五——一五

天王崩葬 魯公薨葬 未成君卒 夫人薨葬 外諸侯卒葬 大夫卒葬 內女卒葬 贈襚 會葬

弔喪哭臨 諱謚誄歌 主祔

禮三軍禮

一一五——一二二

校閱 蒐狩 出師 乞師 致師 獻捷 獻俘

卷之四

禮四賓禮

一二三——一六七

朝聘天王 王聘諸侯 錫命 周使來求 列國來朝 來不書朝 公朝大國 內大夫出聘 外大夫

來聘 會盟遇胥命附 賓禮總

禮五嘉禮

一六七——一九四

昏 王后 夫人 王姬 內女 列國女 冠 饗燕 總 諸侯饗天子 天子饗諸侯及諸侯之大夫 兩君饗

燕 諸侯饗鄰國大夫 諸侯燕飲其臣 大夫饗君 大夫相饗食 夫人饗諸侯 立備

附校點說明

一九五——一九六

春秋會要卷之一

歸安姚彥渠澥若氏輯 弟丙吉男彝典校刊

世系

周 姬姓，平王自西周徙洛邑，即成王定鼎之
郊；至敬王遷成周，即成王所營之下都。

平王，名宜臼，幽王子。四十九年爲魯隱公元年，在位五十一年。崩，諡曰「平」。布綱治紀曰平。

執政：鄭伯寤生。

桓王，名林，平王孫，太子洩父子。元年爲魯隱公四年，在位二十三年。崩，諡曰「桓」。

克敬勤民曰桓。

執政：鄭伯寤生、虢公忌父、虢公林父、周公黑肩。

莊王，名佗，桓王子。元年爲魯桓公十六年，在位十五年。崩，諡曰「莊」。穀國克服曰莊。

執政：虢公林父、周公黑肩。

釐王，名胡齊，莊王子。元年爲魯莊公十三年，在位五年。崩，諡曰「釐」。小心畏忌曰釐。

執政：虢公醜、周公忌父。

惠王，名闢，釐王子。元年爲魯莊公十八年。二年，子頹作亂，衛師、燕師伐周，立子頹。三年，鄭伯以王歸，處于櫟。四年，鄭、虢納王，殺子頹。在位二十五年，崩，諡曰「惠」。

愛人好與曰惠。

執政：虢公醜、周公忌父、宰孔。

襄王，名鄭，惠王子。元年爲魯僖公九年。十六年，叔帶作亂，以狄師伐周。王出適鄭，鄭居王子汜。叔帶立。十七年，晉侯納王，誅叔帶。在位三十三年。崩，諡曰「襄」。因事有功曰襄。

執政：宰孔、周公忌父、王子虎、周公閱、王叔桓公。

頃王，名壬臣，襄王子。元年爲魯文公九年，在位六年。崩，諡曰「頃」。敏以敬順曰頃。

執政：周公閱、王叔桓公、王孫蘇。

匡王，名班，頃王子。元年爲魯文公十五年，在位六年。崩，諡曰「匡」。貞心大度曰匡。

執政：周公閱、王孫蘇、召桓公、毛伯嚮。

定王，名瑜，頃王子，匡王弟。元年爲魯宣公三年，在位二十一年。崩，諡曰「定」。大慮靜民曰定。

執政：王孫蘇、召襄公、劉康公、毛伯衛、單襄公。

簡王，名夷，定王子。元年爲魯成公六年，在位十四年。崩，諡曰「簡」。平易不疵曰簡。

執政：單襄公、劉康公、周公楚、尹武公。

靈王，名泄心，簡王子。元年爲魯襄公二年，在位二十七年。崩，諡曰「靈」。亂而不損曰靈。

執政：王叔陳生、伯輿、單靖公。

景王，名貴，靈王子。元年爲魯襄公二十九年，在位二十七年。崩，諡曰「景」。布義行剛曰景。

執政：單靖公、劉定公、成簡公、單獻公、單成公、劉獻公、單穆公。

敬王，名匄，景王子。元年爲魯昭公二十三年。景王崩，國人立長子猛。子朝作亂，攻殺猛。王

卽位，居于翟泉；子朝自立于王城。四年，晉師納王；子朝奔楚。在位四十四年。崩，諡曰

「敬」。夙夜恭事曰敬。

執政：單穆公、劉文公、單武公、劉桓公、莒宏、單平公。

魯 姬姓，侯爵，周公子伯禽始封。

傳二十三世至隱公，入春秋。

隱公，名息姑，惠公子。元年，周平王之四十九年也。在位十一年，爲公子翬所弑。諡曰「隱」。

不尸其位
曰隱。

執政：公子翬、無駭。

桓公，名允，一作執。惠公子，隱公弟。元年，周桓王之九年也。在位十八年。諡曰「桓」。辟土服遠曰桓。

執政：公子翬、臧孫達。

莊公，名同，桓公子。元年，周莊王之四年也。在位三十二年。諡曰「莊」。勝敵克亂曰莊。

執政：臧孫達、公子慶父、臧孫辰。

閔公，名啓，莊公子。元年，周惠王之十六年也。在位二年，爲公子慶父所弑。諡曰「閔」。國在

遭難曰閔。

執政：公子慶父、臧孫辰。

僖公，名申，莊公子，閔公弟。元年，周惠王之十八年也。在位三十三年。諡曰「僖」。小心畏忌曰僖。

執政：臧孫辰、公子友、公子遂。

文公，名興，僖公子。元年，周襄王之二十六年也。在位十八年。諡曰「文」。忠信接禮曰文。

執政：公孫敖、仲遂、叔孫得臣、季孫行父、仲孫穀。

宣公，名倭，一作接。文公子。元年，周匡王之五年也。在位十八年。諡曰「宣」。善問周達曰宣。

執政：季孫行父、仲孫蔑、叔孫僑如。

成公，名黑肱，宣公子。元年，周定王之十七年也。在位十八年。諡曰「成」。安民立政曰成。

執政：季孫行父、仲孫蔑、叔孫僑如。

襄公，名午，成公子。元年，周簡王之十四年也。在位三十一年。諡曰「襄」。辟土有德曰襄。

執政：季孫行父、仲孫蔑、叔孫豹、季孫宿、仲孫速、仲孫羯。

昭公，名稠，襄公子。元年，周景王之四年也。二十五年，公孫于齊，次于陽州。三十二年，薨

于乾侯。諡曰「昭」。威儀恭明曰昭。

執政：季孫宿、叔孫婁、仲孫貜、季孫意如、仲孫何忌、叔孫不敢。

定公，名宋，襄公子，昭公弟。元年，周敬王之十一年也。在位十五年。諡曰「定」。安民大慮曰定。

執政：季孫意如、叔孫不敢、仲孫何忌、季孫斯、叔孫州仇。

哀公，名蔣，定公子。元年，周敬王之二十六年也。十四年，春秋絕筆。在位二十七年。諡曰

「哀」。恭仁短折曰哀。

執政：季孫斯、叔孫州仇、仲孫何忌、季孫肥。

晉

姬姓，侯爵，武王子叔虞始封。
傳十三世至鄂侯，入春秋。

鄂侯，名邾，孝侯子。二年，爲魯隱公元年。在位六年。曲沃莊伯伐翼，侯奔隨。後晉人逆之于隨，納諸鄂，謂之鄂侯。無諡。

哀侯，名光，鄂侯子。魯隱公五年，鄂侯奔隨，王立之于翼。在位九年，爲曲沃武公所逐。諡曰「哀」。

小子侯，哀侯子，魯桓公四年立，在位三年，爲曲沃武公誘殺之。無諡。

晉侯緡，鄂侯子，哀侯弟。魯桓公六年立，在位二十七年，爲曲沃武公所滅。無諡。

武公，名稱，莊伯子。於魯隱公八年稱元，至魯莊公十六年并晉。在位三十九年。諡曰「武」。

獻公，名詭諸，武公子。魯莊公十八年立，在位二十六年。諡曰「獻」。

執政：士蔣、罕夷、里克、荀息、平鄭。

惠公，名夷吾，獻公子。魯僖公十年立，在位十四年。諡曰「惠」。

執政：呂甥、卻芮、卻鞠。

文公，名重耳，獻公子。惠公薨，晉立其子圉爲懷公。魯僖公二十四年，秦殺懷公，納重耳。在

位九年。諡曰「文」。

執政：郕、郕、先軫、趙衰、狐毛、狐偃、欒枝、胥臣、先且居、箕鄭、胥嬰、先都。

襄公，名驪，文公子。魯僖公三十三年立，在位七年。諡曰「襄」。

執政：先且居、趙衰、趙盾、欒枝、胥臣、箕鄭、先都、狐射姑、陽處父、賈佗。

靈公，名夷臯，襄公子。魯文公七年立，在位十四年，爲趙穿所弑。諡曰「靈」。

執政：趙盾、先克、郕、欒枝、荀林父、先蔑、先都、箕鄭、欒盾、胥甲、史黶。

成公，名黑臀，文公子，襄公弟。魯宣公三年立，在位七年。諡曰「成」。

執政：趙盾、郕、荀林父、胥克、士會、趙朔。

景公，名獮，成公子。魯宣公十年立，在位十九年。諡曰「景」。

執政：荀林父、士會、郕、欒書、先穀、趙朔、趙同、趙括、士燮、荀首、荀庚、郕、韓厥、蒙驁、韓穿、荀

驥、趙旃。

厲公，名州蒲，景公子。魯成公十一年立，在位七年，爲程滑所弑。諡曰「厲」。

執政：欒書、韓厥、荀庚、士燮、趙旃、郕、知帶、荀偃。

悼公，名周，襄公會孫。魯成公十八年立，在位十六年。諡曰「悼」。

執政：韓厥、知罃、荀偃、欒黶、魏相、士魋、趙武、魏絳、韓起、范燭、魏頡。

平公，名彪，悼公子。魯襄公十六年立，在位二十六年。諡曰「平」。

執政：荀偃、士魋、趙武、韓起、魏絳、欒黶、荀吳、荀盈、程鄭、范鞅、魏舒、趙成、荀躒。

昭公，名夷，平公子。魯昭公十一年立，在位六年。諡曰「昭」。

執政：韓起、荀吳、魏舒、范鞅、荀躒。

頃公，名去疾，昭公子。魯昭公十七年立，在位十四年。諡曰「頃」。

執政：韓起、荀吳、魏舒、范鞅、荀躒、趙鞅。

定公，名午，頃公子。魯昭公三十一年立，在位三十七年。諡曰「定」。

執政：魏舒、范鞅、趙鞅、知罃、荀躒、荀寅、韓不信、魏曼多。

齊 姜姓，侯爵，太公尚父始封，
傳十三世至僖公，入春秋。

僖公，名祿，莊公子。九年爲魯隱公元年，在位三十三年。諡曰「僖」。

襄公，名諸兒，僖公子。魯桓公十五年立，在位十二年。諡曰「襄」。

執政：王子成父。

桓公，名小白，僖公子，襄公弟。魯莊公九年立，在位四十三年。諡曰「桓」。

執政：國懿仲、高傒、管夷吾、仲孫湫、隰朋。

孝公，名昭，桓公子。桓公薨，五公子爭立，易牙等立無虧。魯僖公十八年，宋以諸侯伐齊，殺無虧，立孝公。在位十年。諡曰「孝」。

昭公，名潘，桓公子，孝公弟。魯僖公二十八年立，在位二十年。諡曰「昭」。

執政：國歸父、崔杼。

懿公，名商人，桓公子，昭公弟。魯文公十四年，昭公薨，立子舍。商人弑舍而自立，在位四年，爲郕、鄆等所弑。諡曰「懿」。

惠公，名元，桓公子，懿公兄。魯宣公元年立，在位十年。諡曰「惠」。

執政：國佐、高固。

頃公，名無野，惠公子。魯宣公十一年立，在位十七年。諡曰「頃」。

執政：高固、國佐。

靈公，名環，頃公子。魯成公十年立，在位二十八年。諡曰「靈」。

執政：國佐、高無咎、鮑國、崔杼、國弱、慶封、高厚。

莊公，名光，靈公子。魯襄公二十年立，在位六年，爲崔杼所弑。諡曰「莊」。

執政：國弱、崔杼、慶封、鮑國、黑頤。

景公，名杵臼，靈公子，莊公弟。魯襄公二十六年立，在位五十八年。諡曰「景」。

執政：國弱、崔杼、慶封、鮑國、陳須無、公孫蕞、公孫鼫、晏嬰、高鄉、陳無宇、欒施、高張、國夏、陳乞、鮑

牧。

安孺子，名荼，景公子。魯哀公六年立，在位一年，爲陳乞所弑。無諡。

執政：陳乞、鮑牧。

悼公，名陽生，景公子。魯哀公七年立，在位四年，魯會吳伐齊，齊人弑之。諡曰「悼」。

執政：陳乞、鮑牧。

簡公，名壬，悼公子。魯哀公十一年立，在位四年，爲陳恆所弑。諡曰「簡」。

執政：國書、高無平、陳乞、陳恆。

平公，名驪，悼公子，簡公弟。魯哀公十五年立，在位三十五年。諡曰「平」。

執政：陳恆、國觀。